

刑部比照加減成案續編

刑部比照加減成案續編卷二十

杭州許樾訂

刑律鬪毆

保辜限期

安徽司 道光五年

安撫題高三與張銀孜在地牧牛互擊木
球戲耍高三擊球騰起時張銀孜轉身照

看牛隻致碰傷張銀孜髮際皮破越七日
因風殞命查因戲而殺律以鬪殺論因戲
傷人越五日因風身死自應照鬪毆因風
身死之例問擬將高三依戲殺者以鬪殺
論鬪殺之案原毆並非致命之處又非極
重之傷越五日因風身死例杖一百流三
千里。

河南司 道光六年

河撫題固始縣喬東周、因無服族叔喬成林撲毆。用手抵推。以致喬成林身往後退。自踏瓦片。戳傷左腳心。已有爭鬪情形。惟腳心並非致命之處。傷又不重。不致戕生。喬成林自不謹慎。用水洗澡。致傷處受溼潰爛。越十一日身死。核與鬪毆因風身死

者情事相同。喬東周應比照原毆並非致命之處。又非極重之傷。越五日因風身死。例杖一百。流三千里。

陝西司

道光九年

陝督題禮泉縣李義春用木棒毆傷任有左腿等處。僅止皮破。後因睡臥熱炕致受火毒。越十日殞命。核與受傷後因風身死。

情事相同。應比例問擬。李義春應比照原
毆、並非致命之處。又非極重之傷。越五日
因風身死。例杖一百。流三千里。

直隸司

道光十二年

直督岑李大把。因年甫十歲之幼女胡鳳
姐。拉住伊腿。令其鬆放。未允。輒用腳向踢。
致胡鳳姐失跌落坡。受驚身死。原驗胡鳳

姐周身並無傷痕。惟驚風殞命。實由該犯
踢跌落坡受嚇所致。遍查律例並無恰合
治罪正條。自應比例酌減問擬。李大把應
比照原毆並非致命之處。又非極重之傷。
越五日因風身死。杖流例上量減一等杖
一百。徒三年。

山東司

道光四年

東撫題杜文元令伊妻信氏做飯。該氏答以無米。並向怨恨家苦。又將磁碗摔碎。致相詈罵。該犯上前欲毆。信氏將門關閉。該犯推門進內。信氏退後倒跌在地。磕傷偏右。越十四日因風殞命。係死在十日以外。查律例內並無夫毆妻因風身死。作何治罪明文。惟毆妻至死。律應絞候。與凡人情。

保辜限期

罪相同其毆傷因風身死自應卽照凡鬪
定擬杜文元應比照鬪毆之案當致命之
處而傷輕因風身死在十日以外聲請改
流。

河南司 道光七年

河撫題唐魁幅因劉義萬向該犯借錢不
遂假充差役恐嚇並欲強拉牛隻變錢抵

欠。被該犯毆傷後因風身死。按毆死假差。依擅殺律擬絞。遍查律例。並無擅傷罪人。因風身死。作何治罪明文。應卽以鬪殺定擬。原驗劉義萬被毆傷痕。係屬致命輕傷。且已結痂。飲食行動如常。不致戕命。嗣劉義萬自將傷痂抓破。以致傷口進風。越十七日因風殞命。唐魁幅應照鬪毆之案當

致命之處而傷輕。因風身死在十日以外。聲請改流。

安徽司

道光七年

安撫岑陳鈺成。手執兇刀。從右向左橫掠。割麥。適胡盛氏從伊背後突至左邊。俯身拾麥。陳鈺成因頭戴艸帽。兩邊垂下。又被麥艸遮掩。未及看見。以致兇刀誤傷胡盛。

氏左額角。越十二日抽風身死。原驗傷痕。並未損骨。查過失殺人。准鬪殺律收贖。惟鬪殺之案。因風死在十日以外。已得聲請減流。則過失傷因風死在十日以外。亦應照流罪收贖。將陳鈺成照鬪毆之案。當致命之處而傷輕。因風死在十日以外。聲請改流例。按過失傷流罪收贖銀十兩六錢。

四分五釐。給付屍親具領。

四川司 道光七年

川督題張章氏用鐵錐戳傷夫妾郝氏。越十九日因風身死。遍查律例。並無妻毆傷妾。越十日後因風身死。作何治罪明文。自應比例問擬。張章氏應比照鬪毆之案。當致命之處而傷。輕因風身死。在十日以外。

聲請改流。係婦人。照例收贖。

四川司 道光八年

川督題李龔氏。因夫妾李樊氏。不允赴地鋤艸。向斥不服。頂撞撲毆。李龔氏順拾瓦片。將其額門劃傷。傷已結痂。自行抓破。進風潰爛。越十五日殞命。遍查律例。並無作何治罪明文。自應比照凡鬪鬥擬。李龔氏。

比依鬪毆之案當致命之處而傷輕因風身死在十日以外聲請改流係婦人照例收贖。

陝西司 道光六年

陝撫題馬成娃子聽從孫太毆傷禹春德於正限外餘限內身死其爲首擬絞之孫太旣已聲請減流則爲從下手罪應擬流

之馬成娃子亦應遞減問擬該撫仍將馬成娃子擬以滿流不特與首犯罪名相同且與正限內身死之案無所區別殊非情法之平馬成娃子應於滿流罪上減一等擬杖一百徒三年

貴州司 道光十二年

貴撫題畢節縣李如貴因蔡明璟毆傷伊

胞兄李如柏。顛門倒地。該犯目擊救護。用
刀戳傷蔡明璟身死。李如柏越七十三日。
於破骨傷保辜餘限外身死。按律蔡明璟
止科傷罪。並非應抵正兇。李如貴自未便
卽照有服親屬毆死應抵正兇之例。擬以
滿徒。惟李如柏究係蔡明璟毆傷所致。因
其死在限外。竟將李如貴仍擬縲首。似不

足。以。示。持。平。李。如。貴。應。於。鬪。毆。殺。人。絞。罪。
上。酌。減。一。等。杖。一。百。流。三。千。里。

四川司

道光四年

川督咨巴州張開魁、用柴棒毆傷伊妻劉
氏右額角等處。因風身死。係在他物傷保
辜正限二十日之外。餘限十日之內。例內
並無夫毆妻餘限內因風身死。作何治罪

明○文○惟○查○毆○妻○至○死○律○應○絞○候○與○毆○死○凡○
人○情○罪○相○同○則○因○風○身○死○自○應○照○凡○鬪○辦○
理○張○開○魁○應○照○鬪○毆○之○案○手○足○他○物○傷○正○
限○外○餘○限○內○因○風○身○死○者○俱○照○毆○人○至○廢○
疾○律○杖○一○百○徒○三○年○

山西司

道光七年

晉撫咨王嘯貺毆傷伊妻王潘氏致命頂

心近右。並未損骨。傷俱輕淺。且受傷後。飲食行動如常。不致戕生。乃因梳頭。將傷癰擦落。以致傷口進風。在正限外。餘限內。身死。遍查律例。並無夫毆妻。作何保辜明文。自應仍照凡鬪問擬。王賴觜合依鬪毆之案。如手足他物。金刃傷正限外。餘限內。因風身死者。照毆人至廢疾律。杖一百。徒三。

年。

歐制使及本管長官

安徽司

道光四年

安撫題韓可訓、劉明均係主簿衙門書役。
韓可訓父子曾被該主簿懲做有嫌。後因
該主簿將劉明姦好之趙楊氏掌責。韓可
訓卽主使劉明糾衆闖堂。推翻公案。打毀
屏門。實屬目無法紀。律例內並無書役懷

挾私嫌。糾人閔堂。未經傷官。作何治罪。明文將韓可訓。劉明均。比照吏卒懷挾私仇。挺身鬧堂。殺害本官。已傷者。爲首斬決。例上量減一等。杖一百。流三千里。該犯等懷忿糾人。挾制本官。情節較重。均發往新疆。給官兵爲奴。

浙江司 道光四年

浙撫谷呂玉英之弟呂學詩欠糧外出。該縣知縣諭令呂玉英交銀不依。卽喝令比交。呂玉英畏比求饒。拉住公案桌腳用力掙扎。以致案桌被拉搖動。筆架跌倒。擦傷林令左手腕。實屬邂逅干犯。與挺身鬧堂毆官者迥異。自應仍照毆本屬知縣本律問擬。呂玉英合依部民毆本屬知縣傷者。

律。擬杖一百。流二千里。

陝西司 道光七年

烏魯木齊都統奏屯兵楊祿扎傷署屯工
外委陳國宰身死。將楊祿依軍士毆本管
官致死。擬斬監候。查楊祿因向該管外委
陳國宰告假不遂。起意將其扎傷殞命。是
該犯懷挾私仇。將本管官戕害。實屬逞兇。

藐法。該都統將該犯按律擬以斬候。殊覺
情浮於法。楊祿應改依軍士懷挾私仇殺
害本官者。無論本官品級及有無謀故已
殺者。斬立決。例擬斬立決。

山西司 道光十一年

提督岑李莊貴與金常壽同在王府當差。
惟該犯在飯房充當片肉差使。金常壽係

派令管理飯房之人金常壽因其銷假來遲。向其詢斥。該犯輒敢持刀將金常壽連扎多傷。殊屬兇橫。未便照吏卒毆非本管五品以上官者。加凡鬪傷二等。僅擬滿徒。致滋輕縱。李莊貴應比照吏卒毆非本管五品以上官。滿徒罪上加一等。流二千里。

陝西司

道光十二年

阿克蘇辦事大臣咨稱回民伊滿毆傷本
管官伯克將該犯比照部民毆傷本屬知
府知縣律杖一百流三千里。

山西司 道光十三年

提督咨送步甲祥林擅離堆撥被本管步
軍校慶德查知革退該犯攜帶鐵鋸片往
向央求因慶德不允取出鋸片稱欲拚命。

雖訊無毆砍情節。惟慶德係本管官。該犯輒敢向其拚命。希圖挾制。殊屬不法。應卽比律從重定擬。祥林應革去步甲。照軍士毆本管官律杖一百。徒三年。

威力制縛人

貴州司 道光四年

提督咨送僧人心寬因包樑玉寅夜至伊
菜園籬邊坐歇疑係行竊原屬有因惟不
聽其分辯輒行捆縛毆傷又恐放去復來
行竊起意將其右耳割落實屬兇橫心寬
應依威力制縛於私家拷打者傷重加凡

鬪二等律。於刃傷人杖八十。徒二年。上加二等。杖一百。徒三年。勒令還俗。

貴州司 道光四年

貴撫題曾泳譚因熊毓芝輸欠賭錢無償。將其兩手捆住。拴在空房柱上。二更時熊毓芝掙脫逃走。曾泳譚欲行追趕。經鄰人張文權勸阻未追。熊毓芝黑夜失跌坎下。

磕傷身死。查熊毓芝並非因拴禁而死。亦非因被追跌斃。律例內並無作何治罪明文。比照威力制縛人及於私家監禁因而致死者。絞監候。律上量減一等。杖一百。流三千里。

陝西司

道光五年

喀什噶爾參贊大臣奏艾加玉威逼迫滿

自縊身死案內之張乃剛照爲從減主使
一等律擬以滿流查威力主使爲從擬流
之律係專指聽從毆打下手致死者而言
茲張乃剛因艾加玉拉繫迪滿脖項該犯
勸令改縛手腕是該犯尚恐其或致勒斃
情本可原嗣艾加玉將迪滿毆打該犯並
未在场迪滿之死究由情急自縊該犯僅

止帮同捆縛。該大臣遽依聽從下手傷重之人爲從減主使一等律。擬以滿流。係屬錯誤。張乃剛應改依餘人律杖一百。

陝西司

道光六年

陝督題丁十一商同素與姦好之高張氏幫助強姦侯張氏已成。因其滾喊不從。該犯主使高張氏用手堵口。以致侯張氏卽

時悶死。查高張氏聽從幫助。堵住侯張氏之口。以致侯張氏氣悶身死。查幫同強姦殺死。律例並無作何治罪明文。如照謀殺加功。律擬絞。該氏究無謀命之情。或照律註強捉人。問擬杖流。則侯張氏業已被悶身死。尚覺情浮於法。該氏身犯姦淫。又圖酬謝。聽從姦夫濟惡釀命。應請將高張氏

照主使人毆打而致死者下手之人爲從
論於丁十一斬罪上減等擬杖一百流三
千里請酌改實發駐防爲奴。

山西司 道光七年

內務府奏送已革首領馬進忠因王起濛
念書愚笨不聽教管責打尚無不合惟其
聽信李太王玉喜等肇釁輒卽屬令劉國

祥鄭幅將王起濫揪按使李太用竹板木棍先後重迭責打王起濫被毆傷痕潰爛越日殞命王起濫係馬進忠所管之人馬進忠原有管束之責惟是杖責過嚴以致氣閉身死仍敢輾轉掩飾冀圖卸罪推原其故是馬進忠無心致死於前有意隱諱於後種種妄爲殊屬藐法若照各項人役

在

紫禁城內。暨

圓明園大宮門等處圍牆以內。鬪毆手足
他物殺人者。擬絞立決。似覺法重情輕。照
鬪毆之案。原毆並非致命之處。又非極重
之傷。越數日後因風身死者。將毆打之人
免其抵償。杖一百。流三千里。又覺情浮於

法。悉心參核。酌中定擬。請將馬進忠。合依。主使他人毆打致死者。以主使之人爲首。比照威力制縛人。因而致死者。絞監候。

湖廣司 道光十年

南撫咨賀斌。因看管之犯脫逃。喝令差役劉汰。將案內無名之黃錫耀。鎖帶拘案。希圖著落找尋。致令被迫溺斃。實與威力主。

使無異比依威力主使人毆打致死者以主使之人爲首例擬絞監候。

良賤相毆

安徽司 道光六年

安撫咨張春全、砍傷葛兆宇正餘限外身
死。查張春全等之祖張禮、係葛兆宇之父。
葛平西放出舊僕。該犯等係張禮之孫。例
文旣指明放出奴婢之子女有犯。依雇工
人科斷。則放出奴婢之孫有犯。卽不得與。

子。女。並。論。惟。查。該。犯。等。究。係。葛。兆。宇。家。放。
出。奴。婢。之。孫。未。歷。三。代。定。例。不。准。捐。考。卽。
不。得。爲。良。民。未。便。竟。同。凡。論。自。應。比。例。加。
等。定。擬。將。張。春。全。等。均。照。良。賤。相。毆。加。凡。
人。一。等。律。於。刃。傷。人。杖。八。十。徒。二。年。上。加。
一。等。杖。九。十。徒。二。年。半。

貴州司

道光九年

貴撫題黔西州陸春芳起意商同陳老么等謀死婢女阿迷移屍圖賴查陳老么李沙把聽從陸春芳謀命加功律無良人聽從謀殺他人奴婢治罪明文自應依故殺法以良人故殺他人奴婢論惟良人故殺他人奴婢罪止絞候則謀殺爲從未便均與爲首同科應與凡人分別差等問擬陳

老么李沙把合依良人謀殺他人奴婢爲
首依故殺法絞罪上量減一等各杖一百
流三千里。

奴婢毆家長

江蘇司 道光十一年

蘇撫咨陳許氏先在母家賣姦時。價買婢女李貴女。迨從良後。因李貴女宣揚該氏在母家接客之嫌。該氏氣忿。將李貴女勒死。如果該氏係屬良婦。自應以故殺奴婢論。若係娼婦而不從良。亦應照凡人科斷。

而李貴女究係契買之婢。且恩養已在三
年以上。陳許氏應比照家長故殺雇工人
絞律上量減一等擬流。該氏買良爲賤復
挾恨致斃情殊兇暴。未便准予收贖。應酌
發各省駐防爲奴。

山東司

道光四年

東撫咨陳張氏因婢女張小扣姐不服教

訓用木棍等物毆責以致張小扣姐因傷潰爛身死查陳文友白契價買張小扣姐爲婢不及一年並未配有家室犯婦係陳文友之妻服屬期親例內並無家長之期親殺傷白契所買之奴婢作何治罪明文惟家長及家長之期親毆雇工人致死均擬滿徒而家長殺傷甫經契買奴婢係照

殺傷雇工人論則家長之期親殺傷白契所買奴婢事同一律自可比例問擬陳張氏合依家長殺傷白契所買奴婢若甫經契買未配室家者以殺傷雇工人論家長及家長之期親毆雇工人致死者杖一百徒三年。

貴州司 道光七年

貴撫題李彥文商同鄭士方將雇工人馬
洪貴謀殺。查馬洪貴受雇與李彥文家傭
工。素有主僕名分。李彥文起意將其致死。
例無家長謀殺雇工人治罪明文。李彥文
應依家長故殺雇工人律擬絞監候。鄭士
方依謀殺人從而加功律擬絞監候。

江西司

道光十二年

北城移送吳氏毆傷婢女丑奴身死。查律例內並無家長之妾毆死奴婢。作何治罪明文。惟吳氏因家長戴咸宜正妻。在籍並未來京。伊在京經管家務。於丑奴實有管教之責。丑奴係契買服侍吳氏之人。素不敢平等稱呼。若竟照凡鬪問擬。未免漫無區別。查嘉慶六年議奏刑部主事景祿之

妾曹氏毆傷使女瑞姐身死一案。因景祿正妻早故。曹氏管理家務。於瑞姐有管教之責。因其頂撞不服。毆傷致死。將曹氏於絞監候罪上。量減一等擬流。與此案情事相同。自應援照定擬。吳氏應於絞罪上減一等杖一百。流三千里。照例收贖。

四川司
道光十二年

川督咨彭世沅因妾彭會氏與陳賴娃通姦被伊母彭胡氏令人尋獲後向彭世沅告知越日毆傷彭會氏身死詳核律例毆死無罪之妾罪止滿徒若聞姦毆死犯姦之妾亦與聞姦毆死犯姦之妻一例問擬滿徒不惟妻妾輕重不分且與殺死無罪之妾無所區別查妾與家長名分與奴婢

相等。律例雖無明文。惟查例載妾謀殺正妻。比照奴婢謀殺家長律。凌遲處死。又軍民與軍民之婢妾相姦者。同科杖一百。比類參觀。應將彭世沅。比照奴婢犯姦家長。不告官司。而私自毆殺者。杖一百。律杖一百。陳賴娃。仍依姦夫杖徒例。杖一百。徒三年。

妻妾毆夫

貴州司

道光九年

貴撫題遵義縣汪順章因妻官氏染患癰
病伊變賣田產醫治病愈復逼伊買給飲
食常被辱罵起意勒死律無夫謀殺妻治
罪明文自應依故殺法律擬絞監候

河南司

道光五年

河撫咨盧氏縣楊壬戌因伊妻楊東氏被伊責打後聲稱自願早死該犯輒取藥蟲餘信給與令其調服以致該氏將信末服食毒發身死惟究係該氏自行調服該犯並無嚇逼服食及蓄意謀害情事與毆故殺妻者不同自應酌減問擬楊壬戌應於毆妻至死者故殺亦絞律上量減一等擬

杖一百。流三千里。

陝西司 道光六年

陝督咨李良梓、刃傷伊妻魏氏、餘限外因病身死。查後下手理直減等之條。係專指凡鬪而言。若服制案內。旣已明設專條。卽不得以凡鬪並論。且伊妻魏氏、因伊母自行跌地下。炕攙扶。本無不合。該犯心疑妄

扎。又。何。得。謂。之。理。直。該。署。督。將。該。犯。照。平。
人。後。下。手。理。直。減。等。擬。杖。之。處。係。屬。錯。誤。
李。良。梓。應。改。依。夫。毆。妻。至。折。傷。以。上。減。凡。
人。二。等。律。於。刃。傷。人。杖。八。十。徒。二。年。上。減。
二。等。杖。六。十。徒。一。年。

湖南司

道光十二年

南撫題陳小寒因妻張氏嫌貧欲令退婚

改嫁。將飯鍋打碎。經伊母訓斥。將其毆傷。
張氏將伊母推跌騎毆。該犯情切救護。將
張氏毆傷身死。因伊母並未親告。將該犯
依夫毆妻至死律。擬絞監候。陳小寒合依
救親毆死卑幼例。減爲杖一百。流三千里。
復照毆死罵詈翁姑之妻。秋審可矜人犯。
依免死減等再減一等例。杖一百。徒三年。

山西司

道光四年

晉撫咨郭明玉因妾朱氏染患羊癲瘋病。難以醫痊。又被趙銀逼令騰房。無處搬移。希圖免累。起意將朱氏活埋致死。查故殺妾律無明文。惟律註云。故殺亦止於徒。自應仍按毆殺本律問擬。郭明玉合依夫毆妾致死。杖一百。徒三年。

廣西司 道光七年

廣西撫咨徐名選、因妾鄧氏、私自借錢花
用。向斥爭鬧。鄧氏出言頂撞。辱及父母。復
用刀向砍。以致徐名選奪刀。疊砍斃命。實
屬故殺。查律內並無故殺妾。作何治罪。明
文自應仍按本律問擬。徐名選合依夫毆
妾致死律。杖一百。徒三年。

四川司

道光四年

川督咨劍州陳華林、毆傷伊妾楊氏左膝
骨損。越五十七日因傷身死。係在破骨保
辜正限五十日之外。餘限二十日之內。遍
查律例。並無作何治罪明文。惟例載尊長
毆傷卑幼。保辜正限外。餘限內。果因本傷
身死。各按服制於毆死卑幼本律例減一。

等○定○擬○今○鄭○華○林○毆○妾○致○死○較○之○尊○長○毆○死○卑○幼○情○罪○更○輕○若○仍○照○毆○妾○致○死○本○律○擬○以○滿○徒○與○正○限○內○死○者○無○所○區○別○自○應○比○照○量○減○問○擬○鄭○華○林○合○依○毆○妾○致○死○者○杖○一○百○徒○三○年○律○上○量○減○一○等○杖○九○十○徒○二○年○半○

貴州司 道光十一年

貴撫咨普定縣汪樹森契買春香爲婢。原欲俟其年紀長成收房作妾。其因姦致死。固非凡姦可比。惟明知春香年未及歲。於其疼痛拒絕之時。按住兩腿。恣意姦淫。以致陰戶受傷。內潰殞命。實與強姦致斃無異。律例並無姦年未及歲之妾身死治罪明文。若僅比照夫毆妾致死律。問擬滿徒。

尚覺情浮於法。汪樹森應於毆妾致死者。
滿徒律上量加一等杖一百。流三千里。

陝西司 道光八年

提督咨王二毆打趙泳蘭誤傷妻母劉王
氏按律應擬杖徒。惟劉王氏帶同該犯素
不認識之人。在伊妻炕上躺臥。該犯忿激
向毆。致將劉王氏誤傷。若仍按律擬以毆。

傷妻母之條未免情輕法重且與平空毆傷者漫無區別自應酌減問擬王二應於毆妻之母杖六十徒一年律上減一等杖一百。

刑部比照加減成案

杭州許樾

刑律鬪毆

毆大功以下尊長

福建司 道光五年

福撫題林冬林因小功服兄林公元與堂兄林秋祿借穀爭鬧該犯幫護奪獲林公

元鏢鎗。戮傷林公元左肋。應於執持兇器、傷人軍罪上。量減一等。杖一百。徒三年。受傷之林公元。係該犯小功服兄。仍按服制。遞加二等。擬杖一百。流二千五百里。

江西司

道光五年

江西撫題李之瑞。因李佛生等。案討祭租爭鬧。用刀戮傷李佛生。李士幅斃命。查李

佛生、李士幅、係同胞弟兄。均係該犯小功服兄。例內並無毆死小功堂兄二命。作何治罪。明文應從一科。斷李之瑞、依毆死本宗小功兄律。擬斬立決。

福建司 道光十三年

福撫題林捷、因小功堂兄林泳昨、與妻鄭氏、向該犯借錢不允。口角有嫌。嗣該犯喝

罵獺狗。鄭氏疑其借狗詆罵。彼此爭鬧。林
泳昨由外回歸。鄭氏告知前情。林泳昨攜
棍叫罵。該犯取刀向砍。致傷其顙門等處
倒地。因其辱罵。稱欲殺害。該犯頓起殺機。
復連砍其左肱肘等處。林泳昨之子林花
趕護。該犯亦砍傷其左肩甲等處倒地。先
後殞命。該撫以例內並無故殺功兄毆殺

總姪一家二命。作何治罪專條。將林捷比
照凡人致死一家二命一故一鬪例。擬斬
立決。部議林捷除毆殺總麻姪林花罪止
絞候輕罪不議外。改依卑幼毆本宗小功
兄死者。斬故殺亦斬律。擬斬立決。

陝西司 道光五年

陝撫題臨潼縣鬲元太因小功服叔鬲金

隴向伊訛索銀兩。用刀剗傷面頰。互相爭鬪。該犯將鬲金隴毆傷身死。該撫將鬲元太依律擬斬立決。聲明並非有心干犯。援例聲請夾簽具題。部以鬲元太與鬲金隴爭毆。互鬪傷多。並無情急。顯係有心干犯。未便援例夾簽題駁。鬲元太合依卑幼毆本宗小功尊屬死者斬律。擬斬立決。毋庸

夾簽。

四川司

道光十二年

川督題永寧縣黃試、戮傷吳黃氏、黃丑妹、
先後身死。查吳黃氏係黃試同曾祖堂姊。
出嫁降服總麻。黃丑妹係黃試同曾祖總
麻服姪。吳黃氏係黃丑妹出嫁胞姑。遍查
律例並無作何治罪明文。自應從重問擬。

黃試除戮死黃丑妹罪止擬絞輕罪不擬
外。合依卑幼毆本宗總麻姊死者斬監候
律。擬斬監候。

廣東司

道光四年

廣撫咨始興縣民王東狗與大功堂兄王
五科口角爭鬧。用小刀砍傷王五科平復。
律例內並無卑幼刃傷大功尊長。作何治

罪明文。惟查刃傷與折傷相同。自應比律問擬。王東狗應比照卑幼毆本宗大功兄折傷以上各遞加凡鬪傷一等律。應於刃傷人杖八十徒二年罪上。按照服制遞加三等杖一百流二千里。

安徽司

道光四年

安撫客余有名。因與何漢章爭吵。經出嫁

胞姊蔣余氏斥罵不理上前向毆該犯用拳抵格致傷蔣余氏左眼以致蔣余氏自縊身死實屬犯尊未便因其並無逼迫情事僅科傷罪將余有名於毆大功姊杖七十徒一年半罪上酌加一等杖八十徒二年。

安徽司

道光十四年

安撫咨董泳善、因被小功服叔董壽凝毆傷。用手抵格。致傷董壽凝鼻梁。越日董壽凝復往尋董泳善送究。自行滑跌。痰壅氣閉身死。查董泳善、因被董壽凝掌毆。並不俯首受責。輒敢用手搪抵。致傷董壽凝鼻梁。實屬不法。惟董壽凝往尋該犯稟究之際。該犯當卽逃跑。董壽凝因追趕失跌。以

毆大功以下尊長

致痰壅氣閉身死。實非該犯意料所及。仍應科以傷罪。該犯係董壽凝小功服姪。應依卑幼毆小功尊屬杖六十。徒一年。律上加一等杖七十。徒一年半。

奉天司

道光十年

吉林將軍咨馬甲英太用鐵錮毆傷總麻服叔。例無治罪專條。將英太可否照兇器

傷人例擬軍折枷各請部示查同姓服盡
親屬相毆卑幼犯尊長律應加一等問擬
若犯係總麻尊長而轉不加等不足以昭
平允英太應照卑幼毆總麻尊長折傷以
上遞加凡鬪傷一等律於兇器傷人近邊
充軍例上加二等發極邊煙瘴充軍

福建司
道光四年

閩督題呂賢因向大功弟呂章山等議賣祭田未允用刀將呂章山並其弟呂章盛戳傷殞命訊無謀故別情應從一科斷呂賢合依毆殺同堂大功弟律杖一百流三千里惟該犯毆斃功服卑幼一家二命情節較重應於滿流上酌加一等擬發附近充軍仍追財產一半給屍親養贍

山東司 道光四年

東撫咨張維吉毆斃大功堂弟一家二命。
覺由爭鬪殺非謀故。律例並無作何治罪。
明文仍從一科。斷將該犯依毆殺大功堂
弟律。擬杖一百。流三千里。部以張維吉毆
斃大功服弟張維城、張維扑係屬一家二
命。與呂賢之案情事相同。今該撫將張維

毆大功以下尊長

吉照毆斃大功堂弟本律擬流未免失之
輕縱應卽照呂賢之案改依毆殺大功弟
滿流律上酌加一等發附近充軍仍追財
產一半給屍親養贍

江蘇司 道光九年

蘇撫咨姜九岳因被姜馨宜屢次毆罵糾
同姜裕連等亂毆姜馨宜左臙肘破骨潰

爛身死。實屬亂毆。不知先後下手輕重。應
以原謀爲首。查已死姜馨宜係姜九岳之
親會姪孫。與尋常總麻卑幼不同。若照毆
殺親姪孫。擬以杖徒未免無所區別。姜九
岳比依毆殺同堂總麻姪孫律。杖一百。流
三千里。

河南司 道光十二年

都察院咨送驍騎校富忠之妻吳白氏具
控馬甲白達色等用輒毆傷伊夫富忠越
二十四日身死查白達色係富忠無服族
兄相毆至死應同凡論該犯輒毆富忠左
眉連左眼胞既非致命亦甚輕淺因傷進
風越二十四日身死係在他物傷保辜正
限以外按尋常鬪毆正限外因風身死罪

止滿徒。惟該犯充當馬甲。富忠充當驍騎校。查據該旗覆稱。驍騎校協辦佐領事務。有管轄兵丁之責。復查會典內載驍騎校一官。職掌與佐領同。而繫於佐領之下。自應以佐領佐貳論。佐領於馬甲爲本管官。驍騎校卽屬本管官之佐貳官。例無軍士毆傷本管佐貳官餘限內因風身死。作何

治罪明文第以下犯上與以卑犯尊情事
相同辦理不宜互異律內軍士毆本管佐
貳官篤疾者絞候至死者斬候核與卑幼
毆總麻尊長罪名相等卑幼毆傷總麻尊
長餘限內因本傷身死例得聲請減軍該
犯輒毆本管佐貳官於正限外因風身死
情節固較因傷身死爲輕惟所毆究係本

管佐貳官自應比例從重問擬。白達色應比依卑幼毆總麻尊長餘限內因傷身死奏請。

定奪該犯係旗人未便折枷完結應實發黑龍江充當苦差到配加枷號三個月。

山東司 道光十年

東撫題蘇運興用鐵鑿戳傷總麻服兄蘇

運漜右額角身死。蘇運興合依卑幼毆本宗總麻兄死者律擬斬監候。查蘇運漜被毆額角雖非致命之處。惟並未損骨。係屬輕傷。且業經結痂。嗣因傷處發癢。自將傷痂抓落。致傷口進風。越十日殞命。原驗口眼歪斜。確有抽風形狀。其爲因風身死無疑。例內並無毆傷總麻尊長十日外因風

身死專條。該撫將蘇運興比照卑幼毆傷
總麻尊長。餘限內因本傷身死例。聲明仍
擬斬候。奏請

定奪。如蒙寬減。將該犯減爲杖一百。發邊
遠充軍。

四川司 道光十年

川督題劍州許上伸、毆傷總麻服兄許上

科餘限內因風身死死係因風未便照因
本傷身死之條科斷許上伸應比照毆傷
總麻尊長在餘限外身死罪在徒流以下
者於所得罪上加一等杖一百流三千里
廣東司 道光四年

廣撫咨王茂源用毒藥灌入總麻服弟王
王秀耳內潰爛越五十四日身死查毒藥

殺○人○律○照○謀○殺○科○斷○是○以○律○無○保○辜○明○文○
此○謂○以○毒○藥○陰○給○人○飲○食○或○灌○入○口○內○有○
置○人○於○死○之○心○若○僅○用○毒○藥○灌○入○耳○鼻○孔○
竅○初○無○致○死○之○心○自○與○灌○入○口○內○有○心○致○
死○者○有○閒○惟○毒○藥○係○堪○以○殺○人○之○物○非○湯○
火○致○傷○可○比○其○保○辜○限○期○未○便○依○湯○火○傷○
保○辜○查○毆○人○內○損○者○向○俱○照○破○骨○傷○保○辜○

正限五十日。而用毒藥置人耳內者。既致潰爛。與毆人內損無異。自應照破骨傷保辜扣限。此案王茂源。因總麻服弟王壬秀。以伊妻李氏。與王運進同行說笑。聲言定有姦情。該犯王茂源氣忿。商同族姪王南旭等。用毒藥將王壬秀兩耳毒聾。並將王壬秀兩眼一併剜瞎。越五十四日。王壬秀

左耳潰爛殞命。王茂源應依破骨傷保辜。係在正限五十日外。尚在餘限十日之內。王茂源合依尊長毆傷卑幼保辜正限外。餘限內。因本傷身死例。減等定擬。今該撫比照湯火傷保辜正限三十日。以王王秀係在餘限十日之外身死。止科傷罪。將王茂源依刺瞎人眼睛例。發近邊充軍。尊長

毆傷卑幼減一等。擬杖一百。徒三年。實屬
錯誤。王茂源應改依尊長毆傷卑幼保辜
正限外餘限內因本傷身死各按服制於
毆死卑幼本律例上減一等定擬。罪應擬
絞者奏請。

定奪例於毆殺總麻卑幼絞監候律上減
一等。杖一百。流三千里。

貴州司 道光七年

貴撫題廣順州金壬戌因姦被控拏究情
急自盡。誤將胞叔金玉聲劃傷平復。將金
壬戌依刃傷胞叔律擬絞立決。聲明並非
有心干犯。聽候夾簽。部以金壬戌與杜喻
氏通姦。經本夫撞破。控告差拏。該犯避匿。
被胞叔金玉聲查知。往拏送究。該犯畏罪。

用刀自刎。金玉聲奪刀。誤傷額角。平復。係屬金刃。誤傷。駁令改依卑幼刃傷。期親尊屬。訊非有心干犯。或係金刃。誤傷者。擬絞監候。

山東司

道光六年

東撫題胡光魁因欲借糶公穀被期親服叔胡崇儒斥阻頂撞。胡崇儒將左手大指

伸入該犯口內。欲撕伊鬚。該犯負痛齧傷其手指。越九十一日。因傷潰爛。抽風殞命。該撫因毆傷期功尊屬。餘限外因風身死。例無專條。將胡光魁於毆期親尊屬餘限外。因傷斃命例上。量減擬流。部以卑幼毆傷期親尊長。正餘限內身死。例應仍照本律擬斬。如在餘限外身死者。例應問擬絞。

○國大功以下尊長
候均不能照凡人減等問擬則餘限外因風身死例內並無減罪專條亦不得遽議寬減道光三年湖北省題李有相誤傷胞叔李文班餘限外因傷殞命將李有相依毆傷期親餘限外因傷斃命例問擬絞候本部照議題覆在案核與胡光魁所犯情節相同題駁去後該撫依例改擬將胡光

魁依毆傷期功尊屬若毆傷本罪止應徒
流者既在餘限之外因傷斃命擬絞監候
例。擬絞監候。

廣東司 道光十二年

廣撫題南雄州賴漱沅用刀致傷小功服
兄賴令名右膀已經結痂因將傷痂抓落
致傷口進風潰爛越九十六日抽風殞命。

已在金刃傷保辜餘限之外。律例內止有
毆傷小功尊長餘限外因傷身死擬絞。並
無餘限外因風身死。作何治罪明文。惟毆
凡人餘限內因風身死。例得分別瞽請減
爲流徒。而毆小功尊長餘限內因傷身死
例俱仍照本例擬斬。不能稍從末減。則其
毆傷至餘限外因風身死。自應比照餘限

外。因。傷。身。死。之。例。科。斷。該。犯。因。伊。祖。父。被。
小。功。服。兄。賴。令。萌。推。倒。欲。毆。拉。勸。不。放。情。
急。救。護。適。傷。斃。命。係。屬。救。祖。情。切。惟。服。制。
攸。關。應。仍。比。例。問。擬。賴。漱。沅。比。依。卑。幼。毆。
小。功。尊。長。若。係。折。傷。本。罪。止。應。徒。流。者。餘。
限。外。因。傷。斃。命。擬。絞。監。候。例。擬。絞。監。候。

湖廣司 道光四年

北撫奏尹高明聽從吳月成之母尹氏喝
令將吳月成毆斃該犯係吳月成外姻表
弟服屬總麻照聽從下手毆死總麻尊長
之例應擬滿流惟已死吳月成將伊母推
跌受傷罪犯應死該犯聽從下手將吳月
成毆傷致死較之聽從毆死尋常總麻尊
長之案情節尤輕自應酌減定擬尹高明

應於聽從下手毆死。總麻尊長擬流罪上。量減一等杖一百。徒三年。

河南司

道光七年

河撫題永城縣張鵬齡因圖謀小功服姪張鐸財產謀殺張鐸傷而不死。例無作何治罪明文。惟尊長圖產謀殺卑幼已殺者。照平人謀殺問擬。則傷而不死。自應亦照。

平人科斷。且吉林僧興德之案。亦經本部
照例改擬絞監候。張鵬齡應照功服尊長
圖謀財產殺害卑幼之命。照平人謀殺律
問擬於謀殺人傷而不死造意者絞監候
律。擬絞監候。

毆期親尊長

貴州司 道光五年

貴撫咨郎岱廳吳阿二、被伊弟吳阿三、吳阿四毆傷後。因飲酒過醉。自行失跌。墊傷身死。查吳阿三、吳阿四均止用拳將伊兄吳阿二毆打一下。後因酒醉。自行失跌。墊傷腎囊等處斃命。並非死於該犯等所毆。

之傷。自應各依本律毆傷法止科傷罪。該省將吳阿三、依弟毆胞兄律擬杖一百。徒三年。吳阿四、依爲從減一等。徒二年半。查卑幼共毆期親尊長。必須主使謀毆方有首從。可分。今係各自毆打。並非吳阿四聽糾共毆。亦非聽從主使。應各科各罪。該省以吳阿四、依爲從減等之處。係屬錯誤。吳

阿四應改依弟毆胞兄律杖一百徒三年。

貴州司 道光十三年

貴撫咨修文縣李按隴將胞兄李按罄毆傷後伊父李泳富因李按罄推跌辱罵李泳富氣忿將李按罄毆斃律得勿論李按隴毆傷胞兄骨損律例無折傷罪犯應死胞兄作何治罪明文惟倫紀攸關仍照弟

毆胞兄折傷者律杖一百流三千里。

陝西司

道光七年

陝撫咨韓城縣高振子與伊長兄義子高
見兒之妻陳氏通姦。經其次兄高順祿撞
見。欲行送官。該犯畏懼潛逃。詎高順祿找
尋無獲。憂忿自戕身死。實非該犯意料所
及。惟查例內子孫犯姦。祖父母父母憂忿

戕生。照過失殺擬絞立決。比例參觀子孫
犯姦父祖自盡。尚得照過失殺治罪。則弟
犯姦致兄自盡。亦應比照過失殺減等問。
擬高振子。除與義姪媳高陳氏通姦。應同
凡論罪止。枷杖輕罪不議外。應照過失殺
胞兄減本罪二等。律於毆死胞兄斬罪上
減二等。杖一百。徒三年。

陝西司

道光六年

陝督咨河州牟承虎因羊隻踐食胞姪牟
麻個蕎麥牟麻個將羊打死前往理論爭
毆被牟麻個推倒騎壓毆傷胎膊該犯因
被毆情急順拔小刀扎傷其左腿肚越十
四日身死查已死牟麻個毆傷胞叔實屬
蔑倫犯尊若將該犯仍照期親伯叔毆死

胞姪本律擬以滿徒似與尋常毆死無服
卑幼之案漫無區別自應量減問擬牟承
虎應於期親伯叔毆殺姪杖一百徒三年
律上量減一等杖九十徒二年半

山西司

道光四年

晉撫題胡二娃子與大功堂妹胡大女通
姦經伊父胡俊義撞破聽從伊母胡何氏

用信末謀毒親女。誤毒姪女。致死二命。胡大女。係該犯親女。罪犯應死。胡二女。係該犯胞姪女。並無過犯。應依故殺胞姪女律。爲從按服制減等擬徒。惟該犯聽從母命。謀毒亂倫。應死之女。以致誤毒無辜之姪女。與逞兇謀殺人而誤殺旁人者。情實有間。應酌量問擬。胡俊義除聽從謀殺應死

親女勿論外。依叔故殺姪女。係爲從加功。減一。等於故殺姪女。杖一百。流三千里。減一等。律上再減一等。杖九十。徒二年半。胡何氏當胡俊義告知胡大女等姦情。主令用信謀毒。誤將胡二女一併毒斃。胡大女、胡二女均係該氏孫女。胡大女罪犯應死。胡二女並無過犯。該氏應依故殺子孫律。

擬徒。惟該氏係主令謀毒亂倫應死之孫女。以致下手之胡俊義誤將無辜之孫女一併毒斃。胡俊義既已酌減。該氏亦應量減。問擬胡何氏除謀殺應死之孫女胡大女勿論外。依祖父母故殺子孫杖六十徒一年。律上量減一等。應杖一百。照律收贖。

貴州司

道光五年

貴撫題韓三麻子糾約韓二矮子韓招弟、
毆傷胞兄韓金連身死。私埋滅跡。查韓二
矮子先與韓金連口角爭毆。將韓金連左
右肱肘打傷。係在韓三麻子未經謀毆以
前。迨後聽從糾毆。並未下手。與共毆致死
期親尊長者不同。未便擬以斬決。惟該犯
當韓三麻子謀毆之時。並不阻止。復聽從

同往目擊韓招弟等將伊兄毆斃倫紀攸關亦未便因其未曾幫毆稍爲寬貸應比照卑幼毆期親尊長執有刀刃趕殺情狀兇惡者雖未傷依律發近邊充軍

雲南司 道光五年

雲撫題鄔吳氏圖占已故夫兄鄔朋崔遺產將未及十歲之夫姪桂保、觀音保推跌

落巖身死。實屬謀占慘殺。查例內並無殺
死期親卑幼一家二命治罪專條。自應從
一科斷。卽吳氏應照期親尊長因爭奪財
產故殺弟姪。若年在十歲以下。幼小無知。
尊長圖產慘殺。依凡人謀殺律擬斬監候。

浙江司 道光四年

浙撫咨姚正吾因胞弟姚經吾被徐鼎鳳

揪毆趕往幫護向徐鼎鳳毆打因徐鼎鳳
閃開適傷姚經吾身死例無兄誤殺胞弟
作何治罪明文惟查鬪毆誤殺旁人以鬪
殺論則誤殺胞弟自應以鬪殺科斷姚正
吾合依毆期親弟致死者照本律滿徒加
一等例杖一百流二千里

安徽司

道光九年

安撫咨榮應茂之母榮李氏因庶子榮應賢先將其養贍地畝私行出租復欲令其代爲退還租錢不允出言頂撞榮李氏生氣將榮應賢毆跌倒地騎壓身上喝令榮應茂毆打榮應茂被逼勉從毆傷榮應賢身死查榮應賢身受各傷惟被榮應茂用石碓毆傷右腳踝爲重律例並無聽從母

命毆死胞弟。作何治罪明文。將榮應茂比
照威力主使人毆打致死下手之人減一
等律。於毆期親弟致死杖一百流二千里
本罪上減一等杖一百徒三年。

浙江司 道光十二年

浙撫咨趙世厚因胞弟趙世高私取木桶
欲行變賣奪回斥責致相口角趙世高用

刀。戳。傷。其。手。指。該。犯。奪。刀。戳。傷。趙。世。高。身。
死。是。趙。世。高。刃。傷。胞。兄。雖。係。由。於。互。鬪。然。
究。屬。刃。傷。尊。長。之。人。若。仍。照。例。擬。流。致。與。
並。非。互。毆。刃。傷。者。無。所。區。別。自。應。酌。減。間。
擬。趙。世。厚。應。依。毆。期。親。弟。死。者。照。本。律。滿。
徒。加。一。等。杖。一。百。流。二。千。里。例。上。減。一。等。
杖。一。百。徒。三。年。

陝西司

道光十三年

陝撫咨扶風縣史魁等、用石灰擦瞎史十娃兩眼成篤。查史魁係史十娃無服族叔。因史十娃憑空向史保保索討錢文爭毆。欲將史十娃捆縛送官。輒因史十娃有日後殺害之言。起意商同史幅才用石灰將史十娃兩眼擦瞎。實屬兇殘。若照服盡尊

長犯卑幼本律。減等擬徒。其罪轉輕於總麻尊長。若照平人一律問擬。又無所區別。史魁應於總麻尊長故殘卑幼至篤疾杖一百。流二千里。例上量加一等。杖一百。流二千五百里。

安徽司 道光四年

安撫咨張陳氏商同陳士魁將前夫之子

蔡有勒死。查陳士魁係蔡有嫁母張陳氏之兄。例同凡論。其過繼蔡有爲子時。蔡有年已十六以上。並未配有室家。分有財產。應以雇工人科斷。惟蔡有因其嫁母向斥不服。混行辱罵。係應死犯人。將陳士魁依尊長殺死卑幼之案。如果卑幼罪犯應死者。聽從下手之犯。無論尊長凡人杖九十。

例。杖九十。

陝西司 道光四年

陝撫題楊治本聽從伊母楊秦氏共毆胞兄楊修本身死。私埋匿報案內之楊吉盛。係楊修本總麻服叔。因楊修本屢次調姦弟婦常氏不從。經伊母秦氏教管不聽。頂撞詈罵。嗣復醉入常氏臥房。拉手叫罵。並

牽詈伊母秦氏屢次催令伊弟楊治本糾毆。楊治本往央該犯解勸。楊修本持棍向楊治本撲毆。秦氏喝令該犯等毆打。該犯用刀背連毆致傷楊修本右腳腕骨折。查已死楊修本調姦弟妻。復又詈罵其母。本屬罪犯應死。該犯毆傷楊修本骨折。係由聽從死者之母。喝令毆打。查律載毆卑幼

折傷以上。總麻減等之文。係專指尋常鬪
毆者而言。若聽從死者之母毆傷罪犯。應
死。卑幼則非尋常鬪毆可比。該撫將楊吉
盛依折跌人肢體滿徒例上。總麻減一等。
杖九十。徒二年半。殊與律義不符。楊吉盛
應改依期親以下有服尊長殺死卑幼如
卑幼罪犯。應死聽從下手之犯。無論尊長

凡人杖九十例杖九十。

安徽司 道光十二年

安撫咨逃犯張洪石潛回家內。經其父張起沅欲行送究。輒敢不服。詈罵其父。實屬罪犯應死。張起沅氣忿。主使族姪張益高將其毆傷身死。例無作何治罪明文。惟例載期親以下有服尊長殺死罪犯應死卑

幼。聽。從。下。手。之。犯。無。論。尊。卑。凡。人。各。杖。九
十。例。內。止。言。期。親。以。下。尊。長。而。不。言。父。母。
舉。輕。以。賅。重。也。今。張。起。沅。係。張。洪。石。之。父。
重。於。期。親。尊。長。張。益。高。應。比。照。期。親。以。下。
有。服。尊。長。殺。死。卑。幼。如。卑。幼。罪。犯。應。死。聽。
從。下。手。之。犯。無。論。尊。長。凡。人。杖。九。十。例。杖。
九。十。

四川司

道光十二年

川督咨隆昌縣張吳氏因伊次子張學勉不服管教將伊推跌毆罵喝令張方錦等捆縛欲行送官復被辱罵不休忿極起意毆死張方錦係張學勉胞叔服屬期親聽從毆傷張學勉身死自應比例量減問擬張方錦除聽從私埋匿報輕罪不議外應

照期親以下有服尊長殺死卑幼如卑幼
罪犯應死聽從下手之犯無論尊長凡人
杖九十例上量減一等杖八十。

山西司

道光四年

晉撫咨王守德商同胞姪王顯將義子王
黑子勒死查王黑子甫生三月經王守德
抱養爲子恩養年久爲其娶妻生子因王

黑子先向王湧昇之妻呂氏強姦未成。繼復向呂氏調戲。實屬怙惡。王守德因敗壞門風。忿激將其勒斃。自應比例問擬。查比引律載殺義子。比依殺兄弟之子論。分同期親。王黑子強姦呂氏未成。罪不致死。王守德應照期親尊長殺死。罪不至死之卑幼。如卑幼係積匪棍徒。怙惡不悛。人所共

知確有證據尊長因玷辱祖宗起見忿激致斃者無論謀故爲首之尊長悉按服制於毆殺卑幼各本律減一等例應於毆死乞養子滿徒上減一等擬杖九十徒二年半。

四川司 道光十年

川督咨石柱廳楊勝宇娶妻陳氏過門未

及五月。產生一女。卽行搭死。楊勝宇查問。與何人通姦懷孕。陳氏不說。楊勝宇卽欲趕逐。伊父楊昌謨。以家貧無力再娶。屬令楊勝宇不必休棄。當將陳氏毆責而息。嗣陳氏私逃兩日。始行走回。楊昌謨與楊勝宇問其在何處歇宿。與何人通姦。陳氏聲稱楊昌謨家道貧苦。不願跟隨。欲楊昌謨

父子將伊另嫁。楊勝宇罵其無恥。欲毆陳氏。掌批楊勝宇腮。楊昌謨氣忿。將陳氏按地騎壓。令楊勝宇取繩勒死。楊勝宇不肯。楊昌謨斥說不從。定將楊勝宇一併呈首。楊勝宇畏懼。取繩遞交楊昌謨。逼令楊勝宇揪按陳氏手口。自用機繩套其頸項。拉勒斃命。將屍拴縛樹上。假裝自縊。旋經

被人看破報驗。楊昌謨悔恨。亦投繯殞命。該督將楊昌謨。依故殺子孫之婦律。擬杖一百。流二千里。聲明業已自縊。應毋庸議。楊勝宇。於故殺妻絞罪上。量減二等。擬以滿徒。查楊昌謨。因子媳陳氏姦生私孩。復逃出在外。因盤問姦夫姓名不吐。陳氏反嫌其家貧。欲行另嫁。該犯氣忿。逼令伊子

楊勝宇帮同將其勒斃。雖非姦所獲姦。並無姦夫姓名。惟陳氏產生私孩。私自逃走。卽屬姦情確鑿。有據。照例尊長因卑幼爲匪玷辱祖宗。將卑幼忿激致斃。尚應於殺卑幼罪上減等定擬。犯姦較爲匪玷辱爲尤甚。而子媳較卑幼名分爲更親。自應照夫之父母捉姦殺死姦婦例。毋庸科罪。楊

勝○字○因○妻○犯○姦○又○復○私○逃○若○該○犯○起○意○致○
死○亦○不○過○照○聞○姦○殺○妻○之○例○擬○徒○况○該○犯○
係○迫○於○父○命○幫○同○勒○死○淫○奔○無○恥○之○妻○較○
尊○長○殺○死○玷○辱○祖○宗○卑○幼○條○內○聽○從○下○手○
之○尊○長○情○更○可○原○該○督○將○楊○昌○謨○照○尋○常○
故○殺○子○孫○媳○婦○律○擬○流○楊○勝○字○量○減○擬○徒○
未○免○情○輕○法○重○楊○昌○謨○應○比○照○本○夫○父○母○

捉姦止殺姦婦者不必科以罪名。例予以
勿論業已自盡。應毋庸議。楊勝宇應比照
尊長因玷辱祖宗起見殺死爲匪卑幼案
內聽從下手之犯無論尊長凡人依餘人
律杖一百。例杖一百。

陝西司 道光十一年

陝督咨丁西顯主使族人丁造兒等割傷

伊子丁步雲右腳腕筋斷身死。該省將丁西顯依主使人毆打以主使之人爲首。照子孫違犯教令而父母非理毆殺律。擬以滿杖。丁造兒依凡人絞罪上。減等擬流。查丁步雲強橫無賴。伊父丁西顯將其分居另住。嗣因圖產逼嫁孀居堂嬭不從。復設計私賣未成。輒乘醉向堂嬭混罵嚇逼。實

屬怙惡不悛。確有證據。在期親以下尊長。忿激致斃。卑幼聽從下手之犯。尚止依餘人律擬。以滿杖。豈有怙惡不悛之子。被父主使毆殺。轉較聽從期親以下尊長毆死之例。爲重殊不足以昭平允。丁造兒丁跟碌均應改照有服尊長殺死有罪卑幼聽從下手之犯。無論尊長凡人各依餘人律。

杖一百。

四川司

道光十三年

川督咨大足縣譚斯晃與姚文沅之女姚
么姑通姦。被姚文沅姦所獲。姦主令伊子
姚志瑞等。非登時將姚么姑毆勒身死。查
姚志瑞、姚志蔥均係姚么姑期親胞兄。姚
么姑迭犯姦淫。與匪徒怙惡相等。其父姚

文沅因姚么姑敗壞門風。忿激主令致死。該犯等亦因事關顏面。毆勒斃命。自應比例問擬。姚志瑞、姚志蔥除聽從移屍輕罪不議外。均比依罪不致死之卑幼果係怙惡不悛。確有證據。尊長因玷辱祖宗起見。忿激致斃者。聽從下手之犯。無論尊長凡人。各依餘人律杖一百。